



Broj: 11/05-38-3709-3/19
Sarajevo, 10.09.2019. godine

Na osnovu čl. 24. i 27. Zakona o visokom obrazovanju („Službene novine Kantona Sarajevo“, broj: 33/17) i člana 15. Pravilnika o akreditaciji visokoškolskih ustanova i studijskih programa („Službene novine Kantona Sarajevo“, broj: 21/19), ministrica za obrazovanje, nauku i mlade Kantona Sarajevo donosi

R J E Š E N J E

O INSTITUCIONALNOJ AKREDITACIJI VISOKOŠKOLSKE USTANOVE „UNIVERZITET U SARAJEVU“

I

Visokoškolskoj ustanovi „Univerzitet u Sarajevu“ dodjeljuje se institucionalna akreditacija.

II

Rješenje o institucionalnoj akreditaciji izdaje se na period od pet godina.

III

Obavezuje se visokoškolska ustanova „Univerzitet u Sarajevu“ da najkasnije šest mjeseci prije isteka roka iz tačke II ovog rješenja podnese zahtjev za reakreditaciju.

IV

Rok iz tačke II ovog rješenja počinje da se računa od dana pravosnažnosti ovog rješenja.

Obrazloženje

Visokoškolska ustanova „Univerzitet u Sarajevu“ podnijela je Ministarstvu za obrazovanje, nauku i mlade Kantona Sarajevo zahtjev za institucionalnu akreditaciju. Podneseni zahtjev Ministarstvo za obrazovanje, nauku i mlade Kantona Sarajevo je zaprimilo pod brojem: 0101-2520/19 od 18.03.2019. godine.

Aktom, broj: 11/05-38-3709-1/19 od od 25.03.2019. godine, Ministarstvo za obrazovanje, nauku i mlade Kantona Sarajevo je zaprimljeni zahtjev dostavilo Agenciji za razvoj visokog obrazovanja i osiguranje kvaliteta BiH sa prijedlogom za imenovanje Komisije stručnjaka za akreditaciju, na



osnovu kojeg je Agencija donijela Rješenje o imenovanju Komisije stručnjaka za akreditaciju, broj: 05-33-1-166-4/19 od 15.05.2019. godine.

Na osnovu Izvještaja i Mišljenja Komisije stručnjaka da visokoškolska ustanova „Univerzitet u Sarajevu“ ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH donijela je Preporuku o akreditaciji visokoškolske ustanove „Univerzitet u Sarajevu“, broj: 05-33-1-166-7/19 od 02.09.2019. godine, i istu dostavila na daljnje postupanje Ministarstvu za obrazovanje, nauku i mlade Kantona Sarajevo.

Anlizirajući Izvještaj i Mišljenje Komisije stručnjaka za akreditaciju, kao i Preporuku Agencije za razvoj visokog obrazovanja i osiguranje kvaliteta BiH, Ministarstvo za obrazovanje, nauku i mlade Kantona Sarajevo cijeni da su ispunjeni svi propisani uslovi za izdavanje institucionalne akreditacije podnosiocu zahtjeva, te donosi odluku kao u dispozitivu.

Po jedan primjerak ovog rješenja dostavlja se visokoškolskoj ustanovi „Univerzitet u Sarajevu“ i Agenciji za razvoj visokog obrazovanja i osiguranje kvaliteta BiH u cilju preduzimanja radnji i mjera propisanih Okvirnim zakonom o visokom obrazovanju BiH i Zakonom o visokom obrazovanju Kantona Sarajevo.

Pravna pouka: Protiv ovog rješenja može se izjaviti žalba u roku od 15 dana od dana prijema Rješenja. Žalba se izjavljuje Agenciji za razvoj visokog obrazovanja i osiguranje kvaliteta Bosne i Hercegovine, a podnosi se putem Ministarstva za obrazovanje, nauku i mlade Kantona Sarajevo.



Dostaviti:

- Visokoškolska ustanova „Univerzitet u Sarajevu“, Sarajevo, Obala Kulina bana 7/II;
- Agencija za razvoj visokog obrazovanja i osiguranje kvaliteta BiH, Banja Luka, Ulica akademika Jovana Surutke 13;
- Ministarstvo za obrazovanje, nauku i mlade Kantona Sarajevo;
- a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

